



Broj: 01-01-0375/25  
Sarajevo, 18.03.2025.godine

Na osnovu člana 18. stav (2), člana 10a. tačka a) Zakona o javnim nabavkama BiH („Službeni glasnik BiH“, broj 39/14, 59/22 i 50/24), u skladu sa Finansijskim planom Javne ustanove „Služba za zapošljavanje Kantona Sarajevo“ Sarajevo za 2025. godinu, usvojen Odlukom Skupštine Kantona Sarajevo, broj: 01-04-55554/24 od 30.12.2024.godine, a postupajući po zahtjevu Komisije za prijem uposlenika, od dana 11.03.2025. godine, direktorica Javne ustanove „Služba za zapošljavanje Kantona Sarajevo“ Sarajevo *d o n o s i*

## **ODLUKU** **o izuzeću od primjene Zakona o javnim nabavkama BiH**

### **Član 1.**

Od primjene Zakona o javnim nabavkama BiH („Službeni glasnik BiH“, broj 39/14, 59/22 i 50/24), izuzima se nabavka – Zakup velikog amfiteatra za obavljanje pismenog ispita po konkursu za prijem radnika u radni odnos na neodređeno vrijeme za potrebe Javne ustanove „Služba za zapošljavanje Kantona Sarajevo“ Sarajevo (u daljem tekstu: Služba).

### **Član 2.**

Vrijednost nabavke iz člana 1. ove Odluke procijenjuje se na osnovu Predračuna broj: 25-017-000003 od 17.03.2025. godine, od strane Univerziteta u Sarajevu – Mašinski fakultet. Zakupnina za dva termina iznosi 1.200,00 KM bez PDV-a, što sa uključenim PDV-om iznosi ukupno 1.404,00 KM.

### **Član 3.**

Oznaka i naziv iz JRJN za predmetnu uslugu je 70340000-6- Usluge u vezi sa vremenskim zakupom.

### **Član 4.**

Sredstva za realizaciju nabavke predmetnih usluga osigurana su Finansijskim planom Službe za 2025. godinu, koji je usvojen Odlukom Skupštine Kantona Sarajevo, broj: 01-04-55554/24 od 30.12.2024. godine, zajedno sa Odlukom o izvršenju Finansijskog plana Javne ustanove „Služba za zapošljavanje Kantona Sarajevo“ Sarajevo za 2025. godinu, broj: 09/1-2730-UO/24 od 23.09.2024. godine.

### **Član 5.**

Ova Odluka stupa na snagu danom donošenja i biće objavljena na web stranici JU „Služba za zapošljavanje Kantona Sarajevo“ Sarajevo, [www.szks.ba](http://www.szks.ba).

## **Obrazloženje**

Dana 11.03.2025. Jedinica za nabavke, zaprimila je zahtjev od Predsjednice Komisije za prijem uposlenika, kojim se traži hitno pribavljanje ponude od Mašinskog fakulteta u

Sarajevu, za zakup prostora za potrebe održavanja pismenog ispita u okviru konkursa za prijem u radni odnos na neodređeno vrijeme.

U zahtjevu su navedeni termini održavanja ispita:

- 02.04.2025. godine (srijeda), od 08:00 do 12:00 sati,
- 03.04.2025. godine (četvrtak), od 08:00 do 12:00 sati.

S obzirom na to da se predmetna nabavka odnosi na zakup prostora za specifičnu namjenu-organizaciju pismenog ispita za veliki broj kandidata, a da Mašinski fakultet Univerziteta u Sarajevu raspolaže adekvatnim prostorom (amfitetar) koji može zadovoljiti tehničke i logističke zahtjeve, predloženo je izuzeće.

Uzimajući u obzir navedene činjenice, jasno je da se predmetna nabavka odnosi na zakup nepokretne imovine u svrhu osiguravanja optimalnih uslova za održavanje ispita.

Slijedom toga, ispunjeni su pravni uslovi za izuzeće od primjene Zakona o javnim nabavkama BiH, u skladu sa članom 10a. Zakona („Službeni glasnik BiH“, broj 39/14, 59/22 i 50/24).

Na osnovu prednjeg, donesena je odluka kako je određeno u dispozitivu ove Odluke.



**Dostaviti:**

- Jedinici za nabavke,
- A/a.